明

夷

待

訪

錄

逐巡未果及至北方十有五載流覽山川周行邊塞粗 得古人之陳蹟而離羣索居幾同槍父年踰六十迄無 辛丑之歳一 之後注蟲魚唫風月而已積以歲月窮探古今然後知 所成如何如何伏念炎武自中年以前不過從諸文士 月巨宁方录 後海先河爲山覆實而于聖賢六經之行國家治亂之 門見貴門人具稔起居無恙因出大著符訪錄讀之再 原生民根本之計漸有所窺恨未得就正有道頃過薊 一至武林便思東渡娥江謁先生之杖履而 へ頂碁

代之盛可以徐還也天下之事有其識者未必遭其時 能知也但鄙著恒自改竄且有礙時未刻其已刻八卷 者起得而師之然而易窮則變變則通通則久聖人復 用写个言金 起而不易吾言可預信於今日也炎武以管見爲日知 三於是知天下之未嘗無人百王之做可以復起而三 及錢模論二篇乃數年前筆也先附呈大穀倘辱收諸 而當其時者或無其識古之君子所以著書待後有王 書竊自幸其中所論同於先生者十之六七唯奉 策必在關中而秣陵僅足偏方之業非身歷者不 相言

月 夏寺方泰 () () ()		人以幸萬世曷勝薦切同學弟顧炎武頓首	同志之末期以抨彈不厭往復以開末學之思以貽後
		弟顧炎武頓首	復以開末學之思以助後

明夷寺访碌 平 目 次	兵制一	田制	方鎮	取士下	學校	原法	原君	目次	明夷待訪錄	
	兵制二	田制三	田制一	建都	取士上	置相	原臣			

		奄官下	胥吏	財計二	兵制三	tri linitalimentel
			奄官上	財計三	財計一	7

余貲疑孟子一治一亂之言何三代而下之有亂無 **治則三代之盛猶未絕望也前年壬寅夏條具爲治** 于今皆在一亂之運向後二十年交入大壯始得 理殘帙此卷猶未失落於擔頭賴底兒子某某請完 大法未卒數章遇火而止今年自監水返於故居整 治也乃觀胡翰所謂十二運者起周敬王甲子以至 之冬十月雨牕削筆喟然而嘆曰肯王冕依周禮著 餘姚 指海第十二

有生之初人各自私也人各自利也天下有公利而莫 為利而使天下受其利不以一旦之害為害而使天下 與否固未可知然亂運未終亦何能為大壯之交吾 雖老矣如箕子之見訪或庶幾焉豈因夷之|初旦明 難致也終不得少試以死冕之書未得見其可致治 而未融遂秘其言也癸卯梨州老人識 原君 一卷自謂吾未即死持此以遇明主伊呂事業不

悟之勤勞而已又不享其利必非天下之人情所欲居 之人有所異哉好逸惡勞亦猶夫人之情也後之爲人 君者不然以為天下利害之權皆出于我我以天下之 也故古之人君量而不欲入者許由務光是也入而又 釋其害此其人之勤勞必千萬于天下之人夫以千萬 月日子方乐 利盡歸于已以天下之害盡歸于人亦無不可使天下 去之者堯舜是也初不欲入而不得去者禹是也豈古 而慙焉久而姿焉視天下為莫大之產業傳之子孫受 乙人不敢自私不敢自利以我之大私為天下之公始

日司不言金 也敲剝天下之骨髓離散天下之子女以奉我一人之 人之產業曾不慘然日我固為子孫創業也其旣得之 得之也屠毒天下之肝腦離散天下之子女以博我一 凡君之所畢世而經營者為天下也今也以君為主天 淫樂視為當然日此我產業之花息也然則為天下之 下爲客凡天下之無地而得安寧者爲君也是以其未 情不覺溢之于解矣此無他古者以天下爲主君爲答 享無窮漢高帝所謂某業所就執與仲多者其逐利之 大害者君而已矣向使無君人各得自私也人各得自

原夷寺沼禄 子之言聖人之言也後世之君欲以如父如天之空名 規規焉以君臣之義無所逃于天地之間至桀紂之暴 其君比之如父擬之如天誠不為過也今也天下之人 禁人之窺伺者皆不便于其言至廢孟子而不立非導 箔謂易武不當誅之而妄傳伯夷叔齊無稽之事乃兆 怨惡其君視之如寇雙名之爲獨夫固其所也而小儒 人萬姓之中獨私其一人一姓乎是故武王聖人也孟 人萬姓崩潰之血肉曾不異夫。最豈天下之大于兆 利也嗚呼豈設君之道固如是乎古者天下之人愛戴

業誰不如我攝緘滕固局鐍一人之智力不能勝天下 之職分則市井之間八人可欲許由務光所以曠後世 亦曰若何為生我家痛哉斯言回思創業時其欲得天 其子孫矣昔人願世世無生帝王家而毅宗之語公主 **唐虞之世人人能讓許由務光非絕塵也不明乎為君** 無窮亦無怪乎其私之也旣以産業視之人之欲得產 源于小儒乎雖然使後之爲君者果能保此產業傳之 下之心有不廢然摧沮者乎是故明乎爲君之職分則

悲雖愚者亦明之矣 否殺其身以事其君可謂之臣乎日否夫視于無形聽 有人焉視于無形聽于無聲以事其君可謂之臣乎曰 而不聞也然君之職分難明以俄頃淫樂不易無窮之 月多字方条 足以當之則臣道如何而後可曰緣夫天下之大非 ,無聲資于事父也殺其身者無私之極則也而猶不 之所能治而分治之以羣工故我之出而仕也為天 非爲君也爲萬民非爲一姓也吾以天下萬民起見 原臣 凹

乎非其道即立身於其朝未之敢許也况于殺其身乎 也君分吾以天下而後治之君授吾以人民而後牧之 吾從而視之聽之此宦官宮安之心也君爲已死而爲 不然而以君之一身一姓起見君有無形無聲之嗜慾 非其道即君以形聲强我未之敢從也況于無形無聲 生之憔悴是以危吾君也不得不講治之牧之之術荷 臣之辨也世之為臣者昧於此義以為臣為君而設者 **已亡吾從而死之亡之此其私 睢者之事也是乃臣不** 視天下人民為人君橐中之私物今以四方之勞擾民

嘗不背也夫治天下猶曳大木然前者唱邪後者唱許 月加宁方张 唯娛笑於曳木者之前從曳木者以為良而曳木之職 故桀紂之亡乃所以為治也秦政蒙古之與乃所以為 **葢天下之治亂不在一姓之與亡而在萬民之憂樂是** 誠臣亦以為繼朴之疾也夫古之為臣者于此乎彼乎 君與臣共曵木之人也若手不執紼足不履地曳木者 斯民之水火即能輔君而與從君而亡其於臣道固未 亂也晉朱齊梁之與亡無與於治亂者也爲臣者輕視 無係于社稷之存亡則四方之勞擾民生之憔悴雖有 丘

日日不言也

傅未能百一當時論者駭然居正之受無人臣禮夫居 官然萬歴初神宗之待張居正其禮稍優比於古之師 荒矣嗟乎後世驕君自恣不以天下萬民事事其所求 平草野者不過欲得奔走服役之人乃使草野之應於 知遇不復計其禮之備與不備躋之僕妾之間而以爲 上者亦不出头奔走服役一時免於寒餓遂咸在上之

矣又豈知臣之與君名異而質同耶或日臣不與子並

反是何也是則耳目浸淫於流俗之所謂臣者以爲鵠

芝 罪 正 坐 不 能 以 師 傅 目 待 聽 指 使 於 僕 妾 而 責 之

1 : 1

月夏寺方第一 三尺以上有法三代以下無法何以言之二帝三王知 君也不以天下為事則君之僕妾也以天下為事則君 之師友也夫然謂之臣其名界變夫父子固不可變者 異身而能日近其氣久之無不通矣不孝之子分身而 稱乎曰非也父子一氣子分父之身而爲身故孝子雖 有之者也吾無天下之責則吾在君爲路人出而仕于 後日遠日疏久之而氣不相似矣君臣之名從天下而 原法

之學校以與之為之婚姻之禮以防其淫為之卒乘之 日宮本言金 賦以防其亂此三代以上之法也固未嘗爲一巳而立 也後之人主旣得天下唯恐其祚命之不長也子孫之 無衣也為之授地以桑麻之知天下之不可無教也為 天下之不可無養也為之授田以耕之知天下之不可 不能保有也思患于未然以為之法然則其所謂法者 以郡縣得私于我也漢建庶孽以其可以藩屏於我也 **宋解方鎮之兵以方鎮之不利於我也此其法何曾有** 家之法而非天下之法也是故秦變封建而爲郡縣

篋之
所在
吾亦
熙
鰓
然
日
唯
筐
篋
之
是
慮
故
其
法
不
得 愿其可欺而又設一事以防其欺天下之人共知其筐 法之疏而天下之人不見上之可欲不見下之可惡法 明夷侍訪錄一个 愈疏而亂愈不作所謂無法之法也後世之法藏天下 於筐餘者也利不欲其遺於下湄必欲其飲於上用 **其旁落貴不在朝廷也與不在草莽也在後世方議其** 下於天下者也山澤之利不必其盡取刑賞之權不疑 **亳為天下之心哉而亦可謂之法乎三代之法滅天**

法也論者謂一代有一代之法子孫以法祖為孝夫非 未始非害天下者也乃必欲周旋于此膠被漆之中以 不密法愈密而天下之亂即生於法之中所謂非法之 亂不緊于法之存亡夫古今之變至素而一盡至元而 利欲之私以壤之壤之者固足以害天下其創之者亦 法之法前王不勝其利欲之私以創之後王或不勝其 者蕩然無具芍非爲之遠思深覽一一通變以復井田 博慰章之餘名此俗儒之勦說也即論者謂天下之治 一盡經此二盡之後古聖王之所侧隱愛人而經營

之意其人非也亦不至深刻羅網文害天下故日有洽 日ラガケンド 得安于荷筒而不能有度外之功名使先王之法而在 終不勝其章挽嫌疑之顧盼有所設施亦就其外之所 治人自非法之法桎梏天下人之手足即有能治之人 時也能論者謂有治人無治法吾以為有治法而後有 封建學校卒乘之舊雖小小更革生民之成成終無已 冥不有法外之意存乎其間其人是也則可以無不行 置相

日月八十二百分

等級也肯者伊尹周公之攝政以宰相而攝天子亦不 官者分身之君也孟子曰天子一位公一位侯一位伯 去卵猶卿大夫士之遞相去非獨至于天子遂截然無 子之去公猶公侯伯子男之遞相去自內而言之君之 有明之無善治自高皇帝罷丞相始也原夫作君之意 殊于大夫之攝卵士之攝大夫耳後世君驕臣滔天子 士一位中士一 所以治天下也天下不能一人而治則設官以治之是 一位子男同一位凡五等君一位卿一位大夫一位上 一位下士一位凡六等蓋自外而言之天

者我否之設官之意既訛尚能得作君之意乎古者不 遂謂百官之設所以事我能事我者我賢之不能事我 月夏寺方录 笑千古無乃視天子之位過高所致乎古者君之待臣 長委之毋后為宰相者方避嫌而處使其決裂敗援貽 之事以至君崩子立忘哭泣衰經之哀講禮樂征伐之 御座為起在與為下宰相既罷天子更無與為禮者矣 也臣拜君必苔拜秦漢以後廢而不講然丞相進天子 治君臣之義未必全父子之恩已先絶矣不幸國無君 之位始不列于卿大夫士之間而小儒遂河漢其獨位

乎吾以謂有宰相之實者今之宮奴也益大權不能無 輕而批答之意又必自內授之而後擬之可謂有其實 所奇彼宮奴者見宰相之政事墜地不收從而設為科 子一不賢更無與為賢者矣不亦并傳子之意而失者 傳子而傳賢視其天子之位去留猶夫宰相也其後天 不然入閣辦事者職在批答猶開府之書記也其事旣 乎或謂後之入閣辦事無宰相之名有宰相之實也曰 足相補救則天子亦不失傳賢之意等相旣罷天子之 日三方不言在 子傳子宰相不傳子天子之子不皆賢尚賴宰相傳賢

道路傳之國史書之則以為其人之相業实故使宮奴 條增其職掌生殺了奪出自宰相者次第而盡歸焉有 當宮奴之點者又復條舉其疵行亦曰法詛而法祖之 有宰相之實者則罷丞相之過也閣下之賢者盡其能 得不假祖宗以壓後王以塞宮奴祖宗之所行未必皆 Blanch Lynn 其主亦有所畏而不敢不從也 論荒矣使宰相不罷自得以古聖哲王之行摩切其主 事則日法祖亦非為祖宗之必足法也其事位旣輕不 明之閣下賢者貸其殘膏剩馥不賢者假其喜笑怒罵

印度公司品金

奏進呈六科給事中主之給事中以白宰相宰相以白 宰相六卿諫官東西面以次坐其執事皆用士人凡章 一人参知政事无常員每日便殿議政天子南面

之御前而後下該衙門如故事往返使大權自宮奴出 六部施行更不用呈之御前轉發閱中票疑閱中又緩 天子同議可否天子批紅天子不能盡則宰相批之下

地

宰相設政事堂使新進士主之或用待詔者唐張說爲 相列五房于政事堂之後一日吏房二日樞機房三

問間之細漸摩濡染其不有詩書寬大之氣天子之所 學校所以養士也然古之聖王其意不僅此也必使治 朝布令養老恤孤訊馘大師放則會將有大嶽訟則期 兵房四日戸房五日刑禮房分曹以主衆務此其例也 史民大祭祀則享始祖行之自辟雍也葢使朝廷之 天下之具皆出于學核而後設學核之意始備非謂班 四方上書言利弊者及待訪之人皆集焉凡事無不得

之間于學校初无與也究竟養士一事亦失之矣于是 變其本何而士之有才能學術者且往往自拔于草野 謂學校者科舉囂爭富貴熏心亦遂以朝廷之勢利一 是而公其非是于學校是故養士爲學校之一事而學 稍有人焉便以爲學校中无當于緩急之習氣而其所 朝廷天子樂之則羣趨以為是天子辱之則羣擿以為 是未必是天子之所非未必非天子亦遂不敢自為非 日旬年言金 非簿書期會錢穀戎獄一切委之俗吏時風衆勢之外 核不僅為養士而設也三代以下天下之是非一出于

月長寺方俵 其繼也朝廷與學校相反不特不能養士且至于害士 學校變而為書院有所非也則朝廷必以為是而樂之 非是為非是將見盜賊奸邪懾心于正氣霜雪之下君 野必欲以朝廷之權與之爭勝其不仕者有刑日此齊 不隱豪强公卿避其貶議宋諸生伏關趙鼓請起李綱 猶然循其名而立之何與東漢太學三萬人危言深論 天下士大夫而背朝廷者也其始也學校與朝廷無與 有所見也則朝廷必以爲非而辱之偽學之禁書院之 三代遣風惟此猶爲相近使當日之在朝廷者以其所

日写年記金 安而國可保也乃論者目之為衰世之事不知其所以 學校之人乎嗟乎天之生斯民也以教養托之于君授 人稍有干于精議則諸生得共起而易之曰是不可以 郡縣學官毋得由自遷除郡縣公議請名儒主之自布 空名躋之日君父君父則吾誰欺 民革鱼而失教猶勢利以誘之是亦不仁之甚而以其 田之法廢民買田而自養猶賦稅以擾之學校之法廢 衣以至宰相之謝事者皆可當其任不拘巳未仕也其 口者收捕黨人編管陳歐正坐破壤學核所致而反咎

月三千方录 學宮以外凡在城在野寺觀庵堂大者改為書院經師 產即隸于學以贈諸生之貧者二氏之徒分別其有學 之學行成者非主人曹之事則主分數之務亦无不用 學官自擇凡邑之生童皆裏糧從學離城烟火聚落之 為各師也其下有五經師兵法歷算醫射各有師皆聽 領之小者改為小學家師領之以分處諸生受業其寺 生之老而不仕者充為蒙師故郡邑無無師之士而士 處士人衆多者亦置經師民間童子十人以上則以諸

為之每朔日天子能幸太學宰相六卿諫議皆從之祭 日東行言金 酒南面講學天子亦就弟子之列政有缺失祭酒直言 天子之子年至十五則與大臣之子就學手太學使知 太學祭酒推擇當世大儒其重與宰相等或宰相退處 行者歸之學官其餘則各還其業

郡縣朔惡大會一邑之縉紳士子學官講學郡縣官就 民之情偽且使之稍習于勞苦毋得閉置宮中其所聞 見不出宦官宮妾之外妄自崇大也

ヨシチウ米 弟子列北面再拜師弟子各以疑義相質難其以祭書 擇名儒以提督學政然學官不隸屬于提學以其學行 譁而退之 官之學行過之者則朔奎之會郡縣官南面講學可也 鼓號於泉其或僻郡下縣學官不能縣得名儒而郡縣 期會不至者罰之郡縣官政事缺失小則科絕大則伐 補博士弟子送博士弟子于提學而考之以解禮部一種 名置相師友也每三年學官送其俊秀于提學而考之 一郡縣官少年無實學妄自壓老儒而上之者則士子 片의

即具名言金 提學補入之其弟子之罷黜學官以生平定之而提學 **調體 考發榜所遺之士有平日優于學行者學官咨干** 三等下等黜之中等行術如故上等解試禮部人太醫 學麼者能算氣朔即補博士弟子其精者同人解額使 凡鄉飲酒合一 院而官之 禮部考之官于欽天監學醫者送提學考之補博士弟 方許行術歲終計其生死效否之數書之于冊分為 THE RESERVE 一郡一縣之精紳士子士人年七十以上

月長寺方第一 非有師法語錄非有心得麥議無稗實用序事无禱史 凡那邑書籍不論行世藏家博搜重購每書抄印三冊 **祠者皆罷之** 鄉賢名宦好得以勢位及子弟為進退功業氣節則考 生平无玷清議者庶民年八十以上 南面學官郡縣官皆北面憲老乞言 乙國史文章則稽之傳世理學則定之言行此外鄉曲 小譽時文之聲名講章之經學依附之事功已經入 左


· 這體之配有非法之服市懸无鈕之物土留未掩之喪 之事淫祠通行拆毁但留土榖設主祀之故入其境有 之制度木主之尺寸衣冠之式宫室之制在市肆工藝 追抜燒之士子選場屋之文及私試義策蠱惑坊市者 者學官定而付之離城聚落家師相其禮以革習俗 民間吉凶一依朱子家禮行事庶民未必通諳其丧服 弟子員黜革見任官落職致仕官奪告身 學者不許傅刻其時交小說詞曲應酬代筆已刻習首 一邑之名蹟及先賢陵墓祠宇其修飾表章皆學自

之試猶然經義也考官不遣詞臣屬之長學既已輕工 以一義 貢保舉准貢特授積分換授思以得度外之士乃拔百 子艺子方条 副榜特授者用會試之副榜夫副接黜落之餘也其黜 解試矣保舉之法雖曰以名取人不知今之所謂名者 取士之弊至今日制科而極矣故毅宗鲁患之也為拔 何憑也勢不得不雜以賄賂請託及其捧檄而至吏部 取士上 論試之視解試為尤輕矣准貢者用解試之 胸街則學官之職不修也

等設科雖異其墨義同也王安石改法龍詩賦帖經墨 對春秋或禮記墨義十條其九經五經三禮三傳學究 詩所以徒為紛亂而无益于時也唐進士試詩賦明經 皆不離經義欲得勝于科目之人其法反不如科目之 義中書撰大義式頒行須通經有支采乃爲中格不但 試墨義所謂墨義者每經問義十道五道全寫疏五道 源不能潰也換授以優宗室其教可不豫乎凡此六者 全寫註朱初試士詩賦論各一首策五道帖論語十帖 川東行言金

司率情上 ヨランナムフをドー 學之士而先王之道盐視為迂闊无用之具余謂當復 趨浮薄人才終无振起之時若罷經義遂恐有棄經不 至安石始決之故時文者帖書墨義之流也今日之弊 後宋亦王珪累有止問大義不責記誦之奏而不果行 註與下等之議權德與駁戶注疏猶可以質驗不者有 即有明六經之義合先王之道者以爲上等其精于傳 如明經墨義粗解章句而已然非創自安石也唐柳冕 任當時權德與已盡之向若因循不改則轉相模勒日 **|下其手旣失其末叉||不得其本則蕩然矣其**

率復貴其所賤平曰今日之時交育非誦數時女所得 之言由前則空疏者細由後則愚敲者絀亦變浮薄之 墨義古法使為經義者全鳥注疏大全漢朱諸儒之說 平實而通經學古之人出焉昔之詩賦亦何足以得十 可知矣非謂守此足以得天下之士也趨天下之士工 然必費考索推聲病未有若時立空流不學之人皆可 術也或日以誦數精產為中否唐之所以賤明經也 條具於前而後申之以已意亦不必墨守一先生 一誦數也先儒之義學其愈于飽釘之勦說亦



總七韓始與之以豫唐之士及第者未便解褐入仕吏 日罗不言在 那又復試之韓退之三試于吏部无成則十年猶布衣 人之身未入仕之先凡經四轉已入仕之後凡經三轉 也未雖登第入仕然亦止是簿尉令錄榜首緩得丞判 今也不然其所以程士者止有科舉之一途難使古豪 是其用之之嚴也寬于取則无枉才嚴于用則少倖進 无由而進取之不謂嚴乎哉一日苟得上之列于侍從 亦與之郡縣即其黜落而爲鄉貢者終身不復取解 土若屈原司馬遷相如董仲舒楊雄之徒舎是亦

And the same of the same

為科法已善不必他求不知科目之内旣取此百千萬 |授之以官用之叉何其寬也嚴于取則豪條之老死邱 | 籌第其長短所取之行之數百年則功名氣節之土亦 サード サムフスド 究竟功名氣節人物不及漢唐遠甚徒使庸妄之輩充 之得科目非科目之得功名氣節之土也假使士子探 徒見夫二百年以來之功名氣節一二出于其中遂以 自有出于探籌之中者軍可謂探籌為取士之善法也 人不應功名氣節之士獨不得入則是功名氣節之士

召有絶學有上書而用之之嚴附見焉 |塞天下豈天之不生才哉則取之之法非也吾故寛取| 條衆說或條而不能頗竟入己意者雖通亦不中格有 先條率

注疏及後儒之

説

院備然後

以思接結之

其不 午年武之三禮兼大戴為一科卯年武之三辱為一科 科舉之法其考核做朱子議第一場易詩書為一科子 士之法有科舉有薦舉有太學有任子有郡邑佐有辟 酉年試之試義各二道諸經皆兼四書義一道答義者 司有不依章句移文配接命短者有丧禮服制忌諱了

以為題者肯坐罪第二場周程張朱陞六子為一 月号寺方宗一 分年各試一 儒不論布衣在位而以提學主之明年會試經子史科 吳武經為一 秋集于行省而試之一不限名數以中格為度考官聘名 北史為一科新舊居書五代史為一科朱史有明實錄 格第四場時務策三道凡博士弟子貞遇以上四年仲 非若事實不詳或牽連他事而于本事反略者皆不中 科分年試史論各二道答者亦必摭事實而辨是 一論第三場左國三史為一科三國晉書南 一科荀童楊文中為一科管韓老莊為一科

疑難之事問之觀其所對今廷臣反覆詰難如儀之賢 . 无者為各部主事落第者退為弟子員仍取解試而後 之職在天子左右三考滿常調而後出官郡縣又拔其 亦依鄉聞分年禮部尚書知貢舉登第者聽宰相鑑別 **薦舉之法每歲郡舉一人與于待詔之列宰相以國家** 得入禮闈 分置六部各衙門為吏管領簿書拔其尤者依古侍中 假之職事觀其所効而後官之若庸下之材物說欺人 良文學以鹽鐵發策是也能自理其說者量才官之或

一歲月累試分為三等上等則同登第者宰相分之為侍 士弟子員若教之十五年而无成則出學三品以上 德藝以上之不限名數缺人則止太學受而考之其才 月三百万分 能德藝與所上不應者本生報罷凡士子之在學者積 者舉主坐罪其人報罷若道德如吳與弼陳獻章則不 任于之法六品以上其子十有五年皆入州縣學補博 中屬東中等則不取解試竟入禮闈下等則罷歸鄕里 次待之舉主受上賞 **太學之法州縣學每歲以弟子員之學成者列其才能**

Carried Contract of the Contra

邑之與作刑曹主刑獄吏曹主各曹之遷除資俸也滿 郡縣佐之法郡縣各設六曹提學試弟子員之高等者 之在民上旣有害于民亦非所以愛之也 其始進不以正不受其請託非所以優門第也公卿之 分置之如戸曹管賦稅出入禮曹主祀事鄕飲酒上下 **今也大夫之子與庶民之子同試提學受其請託是使** 日司令三百多 **晋凶之禮兵曹統民戸所出之兵城守捕寇工曹主郡** 丁十有五年皆入太學若教之十五年而无成則出學 不論其賢否而仕之賢者則因于常調不賢者而使

原生皆能 草野言之者如唐劉蕡朱陳亮是也則當處以諫職若 辟召之法宰相六部方鎮及各省巡撫皆得自辟 絕學者如歷算樂律測望占候火器水利之類是也郡 更試以職事如古之攝官其能顯著然後上聞即真 手をデラ形 一考升貢太學其才能尤著者補六部各衙門屬吏凡 八嗾使因而撓削朝政者如東漢年修告捕黨人 一之於朝政府放其果有發明使之待詔否則罷歸 國家有大事或大奸朝廷之上不敢言而

事即應處斬 申其符言金 以所著書進覽或他人代進看詳其書

舊書且是非謬亂者如今日趙宧光說文長箋劉振識 足以傳世者則與登第者 大編之類部帙雖繁却其書而遣之 建都 體出身若無所發明纂集

或問北都之亡忽焉其故何也曰亡之道不 失算所以不可救也夫國祚中危何代無之安祿山之 大以汴京中原四達就使有急而行勢無所阻當李賊 元宗幸蜀吐蕃之難代宗幸陝朱泚之亂德宗幸奉 而建都

時既不能出出亦不能必達故不得已而身殉社稷向 サマチャスト 聞入崇順問京城歲歲戒嚴上下精神斃於寇至 明都燕不過二百年而英宗狩於土木武宗因於陽 非都燕何遽不及三宗之事乎或曰自永樂都燕歴 有四代豈可以一 **景泰初京城受圍嘉靖二十八年受圍四十三年邊** 圍京城也毅宗亦欲南下而孤懸絕北音塵不貫 治天下也以治天下為事不以失天下為事者也 代之失遂議始謀之不善乎曰昔 樂政教猶足觀乎江南之民命竭於 和

篋必身親守之而門庭則以委之僕妾台金陵而勿都 柔又經流寇之胤烟火聚落上 | 輸輓太府之金錢靡於河道皆都燕之為害也或日有 為上金陵不與焉何也曰時不同也泰漢之時關中 再其符討金 氣會聚田野開闢人物殷盛吳楚方脫蠻夷之號風氣 **鲁猶富室之有倉庫匱篋也今夫干金之子其倉庫置** | 者起將復何都日金陵或日古之言形勝者以關 日之所能移也而東南粟帛灌輸天下天下之有吳 十無二三生聚教訓故非 風

是委僕妾以倉庫匱飯节日 鎮亡天下庸人狃之遂為厲階然原其本末則不 口支手方录 亦藉方鎮其後折為數十勢弱兵單方鎮之兵不 制黃巢朱温遂決裂而無忌然則唐之所以亡由 今封建之事遠矣因時乘勢則方鎭可復也自唐以 不宗分制節度皆在邊境不過數府其帶甲十萬力足 **具謂治天下而智不千金之子若與** 控制寇亂故安禄山朱泚皆憑方鎮而起乃制亂者 方鎮 **乏**都燕則身守夫門庭矣 旨

之弱非由方鎮之强也是故封建之弊强弱吞併 用事得言多 馬內足自立外足捍患田賦商稅聽其徵收以充戰守 則雲貴亦依此例分割附近州縣屬之務分其錢糧兵 薊州宣府大同榆林寧夏甘肅固原延綏俱設方鎮 兩者之弊使其並行不悖則沿邊之方鎮乎宜將遼 召然後名聞每年 政教有所不加郡縣之弊疆場之害苦無已時欲去 锡寕謐者許以嗣世凡此則有五 切政教張弛不從中制屬下官員亦聽其自 貢三年 朝終其世兵民輔睦 利今各邊有總 東

自供一 するいちい 思慮自周戰守自固以各為長子孫之計一也國家有 之上其未至潰決者直須時耳統帥專一 致亂天敗之奢酉崇頑之菜圍是也今一方之兵自供 壞於牽制不能者易於推委枝梧且夕之間掩飾章奏 有巡撫有總兵有本兵有事復設經略事權不 各有專址兵食不出於外即一方不寕他方宴如四 方三也治兵措餉皆出朝廷常以一方而動四方 警急

管竭

害竭

天下之財

不足供

一方之用

今一方之

財 方二也邊鎮之主兵常不如客兵故常以調發 獨任其咎則 計

用身不言金

外有强兵中朝自然顧忌山有虎豹藜藿不採五也

田制

土之肥瘠民口之衆寡時勢之遷改視之為門以内之 周巳不可為準矣當是時其國之君於其封疆之内田

武初行什一之法後亦三十而稅 故令九州之田以下下為則下下者不因則天下之勢 **樓分區別總其大勢使瘠土之民|不至於甚困而已是** 事也并田旣壞漢初十五而稅一文景三十而稅一光 一葢土地廣大不能

德過於三代歟古者并田養民其田皆上之田也自紊 能盡出於下下漢獨能爲三代之所不能爲者豈漢之 夫三十而稅一 相安吾亦可無事於縷分區别而為則壤經野之事 向後民所自有之田也上旣不能養民使民自養又從 **加賦之雖三十而稅一** 世不能深原其本末以爲十一 賦非遥行長久之道必欲合於古法九州之田不欸 一而賦以十 一下下之稅也當三代之盛賦有九等不 則是以上上為則也以上上 較之於古亦未嘗爲輕也至於 一而稅古之法也漢之 兲

民焉有不困者乎漢之武帝度支不足至於買質貸 日三十二十五 能守其十 権佔算穩鹽鐵之事無所不舉乃終不敢有加於田 者彼東郭咸陽孔僅桑宏羊計慮猶未熟與然則十 後之為民者日困於前儒者日井田不復仁政不行天 用制天下之賦後王因之後王旣衰又以其時之用制 天下之賦而後王又因之嗚呼吾見天下之賦日追 **卜之民始敞敞妥孰知魏晉之民又国於漢唐宋之民** 名為古法共不合於古法甚矣而兵興之世又不 者其賦之於民不任田而任用以一時之

歲之穫不過一石盡輸於官然且不足乃其所以至此 管改至張士誠而又重有明亦未嘗改故一畝之賦自 月子子 方表 今天下之財賦出於江南江南之賦至發民而追宋未 者因循亂世苟且之術也吾意有王者起必當重定天 三斗起科至於七斗七斗之外向有官耗私增計其一 大子食之其收之諸侯之貢者不能十之一今郡縣之 **卜之賦重定天下之賦必當以下下為則而後合於古** 法也或目三十而稅一國用不足矣夫古者十里之内 〈国於魏晉則天下之害民者與獨在井田之不復乎 苣

則其符言英 **令民名田無過三十頃期證三年而犯者沒入之其意** 賦郡縣食之不能十之一其解運至於京師者十有九 雖善然古之聖君方授田以養民今民所自有之田乃 自井田之廢董仲舒有限民名田之蘐師丹孔光因之 彼收其十一者尚無不足收其十九者而反憂之乎 井田者乘大飢之後土職人稀而後可故漢高祖之滅 復以法奪之授田之政未成而奪田之事先見所謂行 不義而不可爲也或者謂奪富民之田則生亂欲復 田制二

秦光武之乘漢可為而不爲爲足惜夫先王之制井 所以遂民之生使其繁庶也今幸民之殺戮為其可以 誠授民以田有道路可通有水利可修亦何必拘泥其 路倉道血涂溝彫遂徑之制非勞數百年之力不可夫 **齟齬豈反謂之不幸與後儒言井田必不可復者莫詳** 便吾事將使田旣井而後人民繁庶或不能於吾制無 於蘇河言并田必可復者莫切於胡翰方孝孺洵以川 月夏寺方际 制度疆界之未平凡蘇洵之所憂者皆非為井田者之 所急也胡翰方孝孺但言其可復其所以復之之法亦

是不知二 日南人不三日公正 **外於是矣世儒於屯田則言可行於井田則言不可行** 不軍支用餘糧 **有也每畝二斗四升亦即周之鄉遂用貢法也天下屯** 能詳余葢於衛所之屯田而知所以復井田省亦不 見額六十四萬四千二 一五之爲上 大授山百畝平五十畝科正糧十二石聽 一萬三千九百七十十 丁矣每軍撥田五十畝古之百畝也 一石給本衛官軍俸糧是實徵十 一百四十三頃以萬歴六年會 六頃二十二

| 置在田土均之人戸一千六十二萬一千四百三十六 每戸授田五十畝尙餘田一萬七千三十二萬五千八 月長寺方安 於屯田之行而知井田之必可復也難者日屯田既如 所得而自有者也州縣之內官田又居其十分之三以 說有四屯田非土著之民雖投之田不足以挽其鄉上 井田則屯田之軍日宜繁庶何以復有銷耗也日此其 又何必限田均田紛紛而徒為困苦富民之事乎故吾 百二十八畝以聽富民之所占則天下之田自無不足 以推之九似亦未難爲行況田有官民官田者非民 蒄

或問井田可復既得聞命矣若夫定稅則如何而後可 斗四升計一畝之入不過一石則是什稅二有半矣! 也又徵收主自武人而郡縣不與則凡刻剝其軍者何 所不爲四出而又何怪乎其銷耗與 月司名言金 亦何爲而任其勞苦乎二也古者什而稅一今每畝一 「斯民之苦暴稅人矣有積累其返之害有所稅非所)老弱則所獲幾何且彼見不屯者之未嘗不得食也 田制三 一也又令少壯者守城老弱者屯種夫屯種而任

之法有田則有租有戸則有調有身則有庸租出穀庸 之貢助徹止稅田土而已魏晉有戸調之名有田者出 復飲丁身錢米後世安之謂兩稅租也丁身庸調也是 出絹調出縉續布麻戸之外復有丁矣楊炎變爲兩稅 出之害有田土無等第之害何謂積累莫返之害三代 租賦有戸者出布帛田之外復有戸矣唐初立租庸調 併庸調而入于租也相傳至宋未嘗減庸調於租內而 知其為重出之賦乎使庸調之名不去何至是耶故楊 人無丁中以貧富為差雖租庸調之名渾然不見其實

| 炎之利于一時者少而害于後世者大矣有明兩稅丁 鞭法通府州縣十歲中夏稅秋糧存留起運之額均徭 後又安之謂條鞭兩稅也雜役值年之差也豈知其爲 里甲土貢顧募加銀之例一條總徵之使一年而出者 印度行言金 入于兩稅也未幾而里甲之值年者雜役仍復紛然其 分為十年及至所值之年一如餘年是銀力二差叉併 之利于一時者少而害于後世者大矣萬 歴間舊館 重出之差乎使銀差力差之名不去何至是耶故條鞭 口而外有力差有銀差葢十年而一值嘉靖末行一

者之在斯乎使練餉新餉之名不改武者顧名而思義 累以前而為之制授田于民以什一為則未授之田以 累至此民之得有其生也亦無幾矣今欲定稅須反積 **未可知也此又元璐不學無術之過也嗟乎稅額之積** 引き年 テベー 二十一為則其一口則以為出兵養兵之賦國用自無 **丁萬倪元璐為戸部合三餉為一是新餉練餉又併入** 不足又何事于暴稅乎何謂所稅非所出之害古者任 丁兩稅也至今日以為 兩稅固然豈知其所以亡天下 ,萬其末年加新餉九百萬崇頑間又增經餉七百三

一錢之在賦但與布帛通融而已其田土之賦穀米漢唐 宋隆與二年詔温台處徽不通水路其二稅物帛許依 折決以銀折輸葢當時銀價低下其許以折物帛者 以前未之有改也及楊炎以戸口之賦併歸土田于是 九百布直六百輸官聽爲五百比之民間反從降落是 有納錢者後世隨民所便布一疋直錢一千輸官聽為 乎故賦穀米田之所自出也賦布帛丁之所自爲也其 布帛之折于錢者與穀相亂亦遂不知錢之非田賦矣 用其名言金

一錢為賦陸贄尚日所供非所業所業非所供以為不可 特製米不聽上納即欲以錢准銀亦有所不能矣夫以 **布帛為銀而歴代相仍不折之穀米亦無不為銀矣不** 个至於甚固有明自漕糧而外盡數折銀不特折錢之 一供豐年田之所出足以上供折而爲銀則仍不可 了所便也然按照宰稅額兩稅之賦銀者六萬 上兩而已而叉穀賤之時常平就釋改雖賦銀亦 公銀為賦平天下之銀旣竭凶年田之所出不足 無乃使民歲歲皆凶年乎天與民以豐年而 弖

空租亦有歲歲時種而所出之息不償牛種小民但知 易之地家二百畝再易之地家三百晦是九則定賦之 賦布帛以至雜物皆賦其所出斯民庶不至困痊爾何 **鹃田土无等第之害周禮大司徒不易之地家百晦** 月一万个一百万分 外先王又細爲之等第也今民間田土之價懸殊不啻 而有天下其必任土所宜出百穀者賦百穀出桑麻者 上復奪之是有天下者之以斯民為雙也然則聖王者 **长為瘠土向若加古法休一歲二歲未始非沃土** 一十倍而有司之徵收畫以一則至使不毛之地歲抱

以七百二十步爲一畝再酌之于三百六十步六百步 するですちまれ 一覧 以奇零如數畝而同一區者不妨數號一畝而分數區 為敢分之五等魚鱗冊字號一 不易之爲害也今丈量天下田土其上者依方田之法 日揭乎吾見有百畝之田而不足當數十畝之用者是 府之催科不假雖欲易之惡得而易之何怪夫土力之 量之廣狹則不齊者從而齊矣是故田之中下者得**更** 一百四十步爲一畝中者以四百八十步爲一畝下者 一號使田土之等第不在稅額之重輕而在丈 一號以一畝準之不得贅 Ē

之兵也召募之弊也如口口之起安家行糧馬匹甲杖 農然且不可乃又使分軍于兵是以一天下養兩天下 外其所以您寇定胤者不得不别設兵以養之分兵于 **殖宏光間又變而為大將之屯兵衛所之弊也官軍三** 有明之兵制葢亦三變矣衛所之兵變而爲召募至崇 百十三萬八千三百皆仰食于民除西北邊兵三十萬 敢三畝之入與土田一畝較量多寡亦无不可也 番而作以收土田之利如其力有餘也而悉畊之彼二 **即**東谷 副金 兵制

するというころと 募此不得已而行之者也召募之為大粉屯兵此勢之 問宣召不能行率我所養之兵反而攻我者即其人也 動矣大將屯兵之弊也採眾自衛與敵為市搶殺不可 有明之所以亡其不在斯三者平議者曰衛所之爲召 客兵坐食者衆則屯糧不足于用益之以民糧叉益之 **所趨而非制也原夫衛所其制非不善也一鎮之兵足** 表裏者也其後軍伍館耗畊者无人則屯兵不足增以 一鎮之地一軍之田足贍一軍之用衛所屯田葢相 | 萬金得兵十餘萬而不當|| 萬之選天下已 盖町

即其往討此 近衛所輪班上操春班以三月至八月還秋班以九月 以鹽糧又益之以京運而衛所之制始破壞矣都燕而 -餘萬不明而食之軍疾此又衛所之制破壞于班操 /衛所之制破壞于輸輓者也中都大寕山東河南附 食是歲有二十五萬三千六百不畊而食之軍矣此 一家曹四百萬石十有二總領衛 六千八百人輪年值運有月糧有行糧一人兼二 一月還有月糧有行糧一人兼二人之食是歲有二 邊有事則調各邊之軍應調者食此邊之新餉 一百四十旗軍十二

是哉為說者日末流之弊亦由其制之不善所致也制 銷耗乎鄉井之思誰則无有今以謫發充之遠者萬里 **至是破壞而不可支矣凡此皆末流之弊其初制豈若** 其家口又支谷邊之舊餉舊兵不歸各邊不得不補補 またげらん **乙不善則軍民之太分也凡人膂力|不過三十年以七 丁為率則四十年居其老弱也軍既不得復還為民則** 名又添一名之新餉是一兵而用三餉也衛所之制 者于餘里遠其土性死傷逃鼠十常八九如是而焉 軍之在伍其爲老弱者亦復四十年如是而焉得不

養民也天下之民不畊而得養于上則天下之時者當 歸京師使東南之民力竭者非軍也耶或日折旬之民 得不銷耗乎且燕都一百條年天下之財莫不盡取以 及于民猶可謂其制之善與余以謂天下之兵當取之 此明知其无益而不可已者也目若是則非養兵也乃 大半為軍今計口而給之故天下有荒歲而坊甸不固 之時五十而出二 于口而天下為兵之養當取之于戸其取之口也教練 何人哉東南之民奚罪焉夫以養軍之故至不得不養 井戸不言を 一調發之時五十而出一其取之戸也

歷六年戸日數自言之人口六千六十九萬二千八百 兵滿一 役不為重 調發之兵十戸而義一 **盟金陵所屬之郡邑而他省不與焉金陵人口一千** まるごうりるが 第二千 (更番人衛然亦不過千里假如都金陵其人衛者但 T-六則得兵一百二十一萬三千八百五十七人矣 一百二十餘萬亦不爲少吳王圻之丙以二十萬 千六十二萬一千四百三十六則可養兵 十戸而養一人則其費不為難而天下之 百四十三人矣夫五十口而出一人則其 教練之兵則无套于養如以 É

可其行司後一人 **野則國富隊伍無老弱之卒則兵强人主欲富國强兵** 萬谷守郡邑以十萬入稿次年則以守郡邑者入稿以 人衛者歸守郡邑又次年則調發共同事教隸之兵其 十萬二千六百五十 而兵民太分唐宋以來但有彼善于此之制其受兵之 一經調發者則住糧歸家但聽教練而已夫五十口而 **丁里之遠則為兵者其任亦不爲勞國家无養兵之** 一十歲而出伍始終三十年止压七獎更耳而又不 人而又四年方一 一行役以一人計之二十歲而 則得勝兵二十一 一萬五百以十

月至于方族 營天子封公侯結其歡心終其首以一矢入援嗚呼殺 懸絕亦必戎服左握刀右屬弓矢帕首榜鞾趨入庭拜 國家當承平之時武人至大帥者干涉文臣即其品級 專任大帥不使文臣節制不二三年武臣擁衆與賊相 其門狀自稱走狗退而與其僕隸齒兵與以後有言干 害未嘗不與有明同也 望同事鹵略李戝入京師三輔至于青齊諸鎭佈比而 天子者曰今日不重武臣故武功不立于是毅宗皇帝 兵制二 Ē

三章孰有大于將使小人而優爲之又何貴乎君子耶 稷君子之事也供指使用氣力小人之事也國家社稷 宗重武之効如此然則武固不常重與日黎宗輕武而 略則是督撫經略將也總兵偏稗也總兵有將之名而 入商太公為將晉作六軍其為將者皆六卿之選也有 今以天下之大託之于小人為重武 耶為輕武 耶是故 明雖失其制總兵皆用武人然必聽節制于督撫或經 不重武者也武之所重者將湯之伐桀伊尹為將武之 无將之實然且不可 **况竟與之以實平夫安國家全社**

第一部縣者肯文臣及儒生也當其時有所藉手以從 完 百二十有一二相全何至自殊城破之日乎是故建 事勝負亦未可知何至顯市人而戰受其屠**離乎彼武** 矣而後知承平之時待以徒隷者之未為非也然則彭 時易機各以利刄而齒腐朽鮑永所謂以其衆幸自其 人之為大郎者方且處浮雲起昔之不敢一當敵者乘 越黥布非古之良將與日彭越點布非漢王將之者也 布越無所藉于漢王而漢王藉之猶治病者之服烏啄 可是许好事 察從死者皆或臣也皆其時屬之以一 趸 一旅赴賊俱

貴與日壯健輕死善擊刺之在人猶精緻犀利之在器 時漢王已將韓信彼通之所進者以首爭首以力博力 |衰竊飢天常吾可以權授之使之出落鈴健哉然則叔 札續之堅人必欲壯健輕死善擊刺其道一也器甲之 之兵子耳豈所謂將哉然則壯健輕死善擊刺者非所 甲也弓必欲无濟治必欲援胡之稱甲必欲上旅下旅 **隊藜蘆之愈病而欲以爲服食也彼麤暴之徒乘世之** 孫通專言斬將搴旂之士儒生元所言進何也日當是 **黎蘆也人見彭越黥布之有功而欲將武人亦猶見鳥** 用其不言金 月長芹方衆 **著將也今以壯健輕死善擊刺者之人而可使之爲將** 是精緻犀利之器甲可以不待人而戰也 精級犀利用之者人也人之壯健輕死善擊刺者用之 者不得節制方自以大牙交制使其勢不可為叛夫天 者不得計餉計餉者不得蒞軍節制者不得操兵操兵 **唐朱以來文武分為兩途然其職官內而樞密外而關** 撫雖與軍事而專任節制與兵士離而不屬是故蒞軍 帥州軍猶文武參用惟有明截然不相出人文臣之督 兵制三

時督無曾有不為大帥驅使者乎此時法未嘗不在未 不識義理喜鹵掠輕去就緩則受吾節制指顧簿書之 下有不可叛之人未當有不可叛之法杜牧所謂聖賢 設二十一都司四百九十三衛三百五十九所平時有 見其不可叛也有明武職之制內設都督府錦衣衛外 才能多聞博識之士此不可叛之人也豪猪健狗之徒 問惡則擁兵自重節制之人自然隨之上下試觀崇禎 百戸鎭撫之級行伍有總兵副將參將游擊千把總之 左右都督都指揮使指揮使各條以同知僉事及千戸

為總兵侍耶即為副將其屬耶官即分任參辨設或征 營政用巡撫為將巡撫掛印即以副將屬之參政參將 名宣孫罷平時職級只存行伍京營之兵兵部尚書即 屬之郡守其行間戰將勇略冠軍者即参用于其間荷 討將自中出侍郎掛印而總兵事郎官從之者一如京 之内而兵部外而巡撫也自儒生人不爲將其視用兵 事當屬之傾危之士夫稱戈比干立牙者士卒之事而 也一以爲尚力之事當屬之豪健之流一以爲陰謀之 如近世之沈希儀萬表俞大猷成艦光叉未當不可使 罕

為輕重漢章帝時穀帛價貴張林言此錢多故也宜令而已三代以丁用者聚帛而衡之以錢故錢與粟帛相 是也民間市易詩言推粟出小孟子言通工易事男栗 賤以粟帛爲俯仰故公上賦稅有粟米之征布鏤之征 女布是也其時之金銀與珠玉無異為魄問器飾之用 後之聖王而欲天下安富其必廢金銀乎古之發貴徵 魏明帝時廢錢用穀桓元輔晉亦欲廢錢孔琳之曰先 下悉以布帛為租市賈皆用之封錢勿出物皆賤矣

から アミス

皆絹布後周河西諸郡或用西域金銀錢而官不禁唐 申夷待討衡 之域全以金銀為貨陳用錢兼以錫鐵粟帛嶺南多以 鹽米布交易不用錢北齊戴州之北錢皆不行交貿者 及三吳荆郢江湘梁益用錢其餘州郡雜以穀帛亥廣 雖錢與穀帛雜用猶不欲使其重在錢也梁初唯京師 割截之用此之為弊者著自于曩然則昔之有天下者 也穀帛本充衣食分以爲貨勞毁于商販之手耗棄于 時民間用布帛處多用錢處少大歷以前嶺南用錢 |制無用之貨以通有用之財此錢之所以嗣功齙貝

羅絹布雜貨與錢兼用憲宗詔天下有銀之山必有鍋 罪元和六年貿易錢十稱以上多布帛太和三年飾佛 **月**息寺方录 像許以金銀唯不得用銅四年交易百緡以上者栗帛 唯銀無益于人五嶺以北採銀 | 兩者流它州官東論 事于金銀其可考彰彰若是朱元豐十二年蔡京當國 外雜以金銀丹砂象菌真元二十年命市井交易以發 時有以金銀為用者妄然重和之令命官之家習見錢 心以金銀絲帛等貿易勿受夾錫錢者以法懲治葢其 一年按唐以前自交廣外上而賦稅下而市易一切無 罜

月巨寺方条 一 燕京如水赴壑承平之時稱有商買官吏返其十分之 與民間無與則銀力竭二百餘年天下金銀網運至于 尚多今礦所封閉間一開採叉使宮奴專之以入大內 而去此其理尙有往而復返者乎夫銀力已竭而賦稅 賦使百務併于 折剑而不折銀今鈔旣不行錢僅爲小市之用不入貢 尸開設金銀場各路聽民煽煉則金銀之出于民間者 官猾更自北而南叉能以其資力盡敛天下之金銀 三多故以來在燕京者與盡泄之邊外而富商大質 一途則銀力竭元又立提舉司置淘金 ž.

資也當今之世宛轉湯火之民即時和年豐無益也即 貨之價亦不當異時之十一豈其物阜與日否市易無 |覆五也盜賊胠箧負重易跡六也錢鈔路通七也然循 通有無鑄者不息貨無匱竭二也不藏金銀無甚貧甚 勸農沛澤無益也吾以為非廢金銀不可廢金銀其利 有七粟帛之屬小民力能自致則家易足一 不當異時之十一豈其壤瘠與日否不能為賦稅也百 如故也市易如故也皇皇求銀將于何所故田土之價 一也鑄錢以

錢幣所以為利也唯無 月后之子方条 錢既惡謝私鑄繁與二曰步二折三當五當上 其始議也有明欲行錢法而不能行者一曰惜銅錽丁 **八遠之利也後之治天下者嘗顧此而失彼所以阻壞** 重為之些盜礦者死刑金銀市易者以盜鑄錢論 一四錢之費得十錢之息以尺寸之格當金銀之用此 時之利也使封域之内常有千萬財用流轉無窮此 財計二 時之利而後有久遠之利以 뀕

|常三日銅禁不嚴分造器皿四日年號異文此四害 省各設專自鼓鑄有銅之山官為開採民間之器皿寺 **昔之所同五日行用企銀貨不歸一六日賞養賦稅上** 觀之像設悉行燒毁人局千錢以重六斤四兩為率每 今日之錢不過資小小貿易公私之利源皆無賴焉是 行于下下不行于上昔之善錢者四今之害錢者六故 日司不言金 行錢與不行等也誠廢金銀使貨物之衡盡歸于錢京 一賦栗帛外凡鹽酒在椎一 一錢制作精工樣式畫一亦不必冠以年號除田

造三千萬貫可得五千萬金所入飲多將金與土同價 **明夷寺访**塚 可得金三千萬兩戶工侍郎王鰲家主其說且言初年 間之自票也至朱而始官制行之然朱之所以得行者 行吾不信也有明欲行鈔法而不能行者崇幀間桐城 行鈔難之德璟日高皇帝似亦神道設教然實賜折俸 士蔣德璟言以一金易一紙思者不為上以高皇帝之 諸臣蔣臣言鈔法可行歲造三千萬貫一貫直一金歲 而已固不曾用之兵館也按鈔起于唐之飛錢猶今民 上特設内實鈔局重夜督造募商發賣無肯應者大學

終不行也毅宗言利之臣不詳其行壞之始末徒見尺 三得行者隨路设立官庫貿易金銀平準鈔法有明寶 之以界者一則官之本錢當使與所造之鈔相準非界 易辨非界則收造無數宋之稱提鈔法如此削元之所 鹽酒則以鈔入諸務故鈔之在手與見後無異其必限 蓋民間欲得鈔則以錢入庫欲得錢則以釤入庫欲得 每造 鈔庫不過倒收舊鈔凡稱提之法俱還不講何怪乎其 則增造無藝一則每界造鈔若干下界收鈔若干許偽 界備本錢三十六萬緡而又佐之以鹽酒等項

楮張縣居然可當金銀但講造之之法不講行之之法 用在關即以之抵商稅在揚即以之易鹽引亦何患其 官無本錢民何以信故其時言可行者猶見彈而求炙 归其寺方孫 也然談使停積錢稽五年為界飲舊鈔而焚之官民使 不行且誠廢金銀則穀帛錢緡不便行遠而義括尺寸 行之于宋元者何不深考乎 ||百鈔與錢貨不可相離而||言神道設教非兵餉之用後 一鈔隨地可以變易在仕官商賈叉不得不行德環不 卫

除奢侈不革則民仍不可使富也何謂習俗吉凶之禮 治天下者既輕其賦飲矣而民間之習俗未去蠱感不 屬以為巫資于京宰以為巫資于歌吹婆娑以為巫凡 有佛之宮室佛之衣食佛之役使凡佛之資生器用無 丧之合然也設祭也佛事也宴會也獨靈也富者以之 既亡則以其相沿者為禮婿之筐篚也裝貨也宴會也 不備佛遂中分其民之作業矣巫一耳而資于精簽香 相高貧者以之相勉矣何謂蠱惑佛也巫也佛一也而

中人之產酒肆之費一頓而終年之食機坊之費一衣 九有為佛而貨者有為巫而貨者有為優倡而貨者有 驅佛吾所謂學校之教明而後可也治之以末倡優有 禁酒有禁除布帛外皆有禁令头通都之市肆十宝而 奢侈其甚者倡優也酒肆也機坊也倡優之費一夕而 為奇技淫巧而貨者皆不切于民用一極痛絕之亦庶 乎救弊之一端也此古聖王崇本抑末之道世儒不察 而十夫之媛故治之以本使小民吉凶一循于醴投丕 以工商為末亥議抑之夫工固聖王之所欲來商又使 智

胥吏

領書定期會者也其奔走服役則以鄉戸充之自王安 古之胥吏者一今之胥吏者二古者府吏胥徒所以守 石改差役為顧役而奔走服役者亦化而為晉吏矣故

欲除奔走服役吏胥之害則復差役欲除簿書期會吏

晉之害則用士人何謂復差役宋時差役有衙前散從 承符弓手手力者長戸長壯丁色目衙前以主官物今

盾子解戶之類戸長以督賦稅今坊里長耆長弓手出

為差役弓兵捕盗皂隸快手承差則顧役也余意坊里 為害者其故有三其一恃官司之力鄕民不敢致難差 驅使今皂隸快手承差之類凡今庫子解戸坊里長皆 役者則知我之今歲致難于彼者不能保彼之來歲不 長值年之後次年仍出一人以供雜役葢東晉之敢于 同類自不相顧差役者則儕輩爾汝無所畏忌其三久 致難于我也其二一為官府之人一為田野之人旣非 在官府則根株窟穴牢不可破差役者伎倆生疏不敢 ,以逐捕盗賊今弓兵捕盗之類承符手力散從以

安于差役與日差役之害唯有衙前故安石以顧募救 之个庫子解戶且不能不仍于差役而其無害者顧反 之有不待禁也差役者固勢之不可以為惡者也議者 勢可以爲惡雖禁之而有所不止勢不可以爲惡其止 不以為甚害者則差與顧之分也治天下者亦視其勢 弄法是故坊里長同勾當于官府而鄉民之于坊里長 害小而胥吏之害大也何謂用士人六部院寺之吏請 目自安石變法終朱之世欲復之而不能豈非以入不 不可復平朱人欲復差役以募錢為害吾以謂募錢之

滿調則出官州縣或歷部院屬官不能者落職郡縣之 之國學或即補六部院寺之東不能者終身不聽出仕 其一今之吏胥以徒隸為之所謂皇皇求利者而當可 更各設六曹請以弟子員之當原食者充之滿調則升 郡之經歷照磨知事縣之丞簿典史悉行法去行省之 以進士之觀政者為之次及任子次及國學之應仕者 之所設施之科條皆出于東是以天下有東之法無朝 以為利之處則亦何所不至創為文網以濟其私凡全 如郡縣葢吏胥之害天下不可枚舉而大要有四

| 傳衣鉢者也是以今天下無封建之國有封建之吏誠 時委吏乘田抱闘擊标之皆士人也其三各衙門之佐 多出仕之途既狹遂使有才者老死邱松菲如孔孟之 京師權要之吏頂首皆數千金父傳之子兄傳之弟其 貳不自其長時召一一銓之吏部即其名姓且不能逼 況其人之賢不肖乎故銓部化為籤部貽笑千古其四 更之出身士人目為異途羞與為伍承平之世士人衆 廷之法其二天下之吏既為無賴子所據而佐貳又為 人麗于法後而繼一人焉則其子沾弟也不然則其

使東胥皆用士人則一切反是而害可除矣且今各衙 亦使曹採得其實吏胥去其重而已 之實亦亡矣故今之吏胥乃曹掾之重出者也吾之法 **奄**宦之禍胚漢唐宋而相尋無已然未有若有明之為 皆得自辟即古之東胥也其後選除出白吏部其長復 門之首領官與郡縣之佐貳在漢則爲曹掾之屬其長 烈也漢唐宋有干與朝政之奄宦無奉行朝政之奄宦 月巨寺方条 | 自設曹掾以為東胥相沿至今曹掾之名旣去而吏胥 奄宦上 軠

為已有環衛之强為已强者尚然末下之事今也衣服 之内而外庭所設之衙門所供之財賦亦遂視之爲非 飲食馬匹甲仗禮樂貨賄造作無不取辦于禁城數里 者皆奄宦為之也漢唐宋之奄宦乘人主之昏而後可 其有曉曉而爭使人主之天下不過此禁城數里之內 **奄宦奉行之員而已人主以天下爲家故以府庫之有** 獄先東厰而後法司其它無不皆然則是宰相六部為 傳後有票擬天下之財賦先內庫而後太倉天下之刑 今夫宰相六部朝政所自出也而本章之批笞先有日

矣師友以規過失為賢奴婢而過失其過失則為言逆 以得志有明則格局已定牽挽相縫以毅宗之指王始 矣自夫奄人以為内臣士大夫以為外臣奄人旣以奴 故奴婢以何喜怒為賢師友而喜怒其喜怒則爲容悅 廷臣師友也所求乎奴婢者使令所求乎師友者道德 婢之道事其主其主之妄喜妄怒外臣從而遠之者奄 嗣未有若是之烈也且夫人主之有奄宜奴婢也其有 而疑之終不能會之卒之臨死而不能與廷臣一見其 人日夫非盡人之臣與奈之何其不敬也人主亦即以

這其大惡或勉以近事而闕于古則以爲事君之道當 然豈知一世之人心學術為奴婢之歸者皆奄宦為之 敬有不敬也葢内臣愛我者也外臣自愛者也于是天 之于士大夫而不受則日夫非盡人之臣與奈之何有 見其是非甚明也而不敢明言其是非或舉其小過而 不通大義又從而附會之目君父天也故有明奏疏吾 師友之道而相趨于奴顏婢膝之一途習之旣久小儒 下之為人臣者見夫上之所賢所否者在是亦遂合其 奴婢之道為人臣之道以其喜怒加之于奄人而受加 **明夷侍訪錄** 之多欲也夫人主受命于天原非得已故許由務光之 其裂肝碎首者曷故哉豈無法以制之與則由于人主 **奄 宦 之 如 毒 藥 猛 獸 數 千 年 以 來 人 盡 知 之 矣 乃 卒 遭** 流實見其以天下為桎梏而掉臂去之豈料後世之君 其女調不得不以奄寺守之此相因之勢也其在後世 視天下爲娛樂之具崇其宮室不得不以女謁充之盛 之君亦何足貴而鄭元之注周禮也乃謂女御八十一 同隔不若是其烈與 **奄**宦下 垩

夫人當一夕后當一夕其視古之賢王與後世無異則 為也是時齊梁秦楚之君共為奢僭東西二周且無此 是周禮為海淫之書也孟子言侍妾數百人我得志弗 **高坦寺人隸于冢宰謂周官深得治奄之法夫刑餘之** 是以周公為舛錯矣苟如元之為言王之如百二十人 事若使爲周公道制則孟子亦安爲固然得志弗爲則 人當九夕世婦二十七人當三夕九嬪九人當一夕三 、不顧禮義凶暴是聞天下聚的暴滿萬而區區以係

其能不亂奄人之衆多即未反亂亦盾火積薪之下也 吾意為人主者自三宮以外一切當罷如是則奄之給 使令者不過數十人而足矣議者竊憂其嗣育之不廣 月三十方朱 **也夫天下何常之有吾不能治天下尚欲避之況于子** 乃流俗富翁之見故堯舜有子尚不傳之朱微宗未嘗 孫乎彼鰓鰓然唯恐後之有天下者不出于其子孫是 不多子止以供金人之屠醢耳 家案納之鈴鏈有是理乎且古今不貴其能治而貴 至

皇语道光十九年歲次已亥金山錢熙祚錫之明夷待訪錄終		- 1#1/14 ib 14
九年歲次已		
兴金山錢熙		
祚錫之甫 校		

ŧ